

۱۴۵۶

۱۴-۳

آبونه

سنه لك آلتی آباق

تورکیا ایچین ۴۰ غروش ۲۵ غروش

ممالک اجنبیه ایچین ۱۰ فرانق ۶ فرانق

نسخه سی ۵۰ یارمیه

دوردنجی سنه

# ایجتیهاد

مدیر مرخص

الرهامی صفا

اداره خانه

ایستانبول ، جفال اوغلنده دائره اجتهاد  
Adresse: Idjtihad Constantinople

نومرو ۶۵ — ۹ مایس ۱۳۲۹

حریت فکریه یه خادم ، پنجشنبه کونلری چیقار ، اقتصادی ، اجتماعی ، ادبی مجموعه

اگر « ملیت مسأله‌سی » ندن مقصد « تورک ملیتی مسأله‌سی » ایسه - مسلمانلرک مختلف ملیتلره آیریلایسی مسأله‌سی ایسه - بو ادعا طوغر و میدر ؛ فقط بو ، نه تنظیمات ونه ده تنظیماتجیلر ایچون برقصور دکلدرد .

اگر ، « ملیت مسأله‌سی » ندن مقصد ، دها عمومی معناده کی ملیت مسأله‌سی ایسه ، بوا دعا طوغری دکلدرد : رشید پاشانک ده عالی پاشانک ده محرراتنده ملیت مسأله‌لرینه عائد اندیشه‌لر موجوددرد . عالی پاشانک - بعض فقره‌لرینی برنجی مقاله ده درج ایتدی کمز - لایحه‌سی بوکا قطعی بر دلیدر .

\*  
\*\*

تنظیمات علمدارلری ، تنظیماتجیلر طرفدن تشکیلات عدلیه و اداریه دهده یا کلس و مضربریول طوتولمش اولدیغی ادعا ایدیورلر .

بن بو اهمیتی ادعای تنقید ایله مشغول اولمایه جنم ؛ بونی دها صلاحیتدار قلملره براقه جنم . بو خصوصده کی قناعتی ، یا لکیز قید ایتمکه اکتفا ایلیه جکم :

اگر محاکم نظامیه تشکیل ایدیله مش اولسه یدی ، بودولت استقلال و حیاتی چوقدن غائب ایتمش بولونوردی .

۳ مایس ۲۲۹ - اطع

حوائج قانونیه من

املاک قانوناری

ترک عقی صوکرده دن کلیر دیرلر . پک یا کلس دکلدرد ! ملکک مهم بر قسمی کیتدکن صکره بز املاک قانونی چیقاریورز . بوکا بعد خراب البصره می دیلم ، نه دیلم ؟ بن ده متحیرم .

۱۰ تموزدن برقاچ کون صکره ، بو عبد عاجز ، بو مسئله‌ی میدانه قویدم . آواز آواز باغیردم . بتون ثروتمزک املاکمزدن عبارت بولندیغی ، حالبوکه ، املاکمزده قرون وسطائی قیود و شروط ، قوانین و عاداته تابع بولندیغی یازدم ، سولیدم . حکومت مزک ارادته خلل کلس اولمی که

حسن نیتدن ، بیوک برخواهشدن صرف نظر قلمه آلیان لایحه‌لر ، اصلا ، قانونیت کسب ایدم دی . مباحثه‌لر ، مداوله افکار ، حتی مجالس تشریعی ده مذاقشله‌لر ، غزته - لرده مشاتمهلر دوام ایتدی ، طوردی . مسئله یینه ، بر معتاد مندر آلتی ایدلدی . ویریلن کوچک برامید اوزرینه بز ایکی املاک بانکه‌سی تشکل ایتشدی . بوزلر ، آلد فرمان ، طبقی فضولی دل سوخته کی ، ارادات سزیه نك انفاذ احکامنه چاره بوله مدیلر . اوروپا سرمایه‌سی جدا بزم آنارشیسمزدن اورکدی . حیثیت اقتصادی مزه خلل کلدی . دولت بر طرفدن املاک بانکه سنک قومیسری ایچون شرککتدن یاره آلیور ، دیگر طرفدن قانونی چیقاروب ایش کورمکه مساعده ایتموردی . فی الحقیقه دولت ، بوائنده ، پک یمان غوائل ایله مشغول ایدی . بتون دنیا بزه اعلان خصومت ایتش ایدی . فقط انصاف ایله دوشونلم . دولت یا لکیز امور و غوائل سیاسییه ایله مشغول اولق ایچونمی قورو - لمشدر ؛ بتون دوائر آنجق بوایشه می مشغولدر ؟ خلاصه کلام وظیفه‌مزی ایفا ایدم دک . مجلس مبعوثان مالایعنی ایله فضله‌جه اوغراشدی . شخصیات هر شینه ترجیح ایدلدی . منقولات برستلر بر طرفدن برار تجاع یابدیلر ؛ دیگر طرفدن فرقه‌لر هر شیء اونوته رق اختلافات حزبییه امور تشریعییه مزده پک چوقر ویریدیلر . دولت و مملکتی احیا ایدم دک قانونلر اونوتلدی . ایشلر چیغرنندن چیقیدی . زوالی ملتی دوشونم دک . اسکی قوانین ، کپچک کی ؛ اهالیمزک دست سعی و عملی ایشلمکدن منع ایدوردی . حالا قرون وسطا دوام ایله وظیفه تخریبیه سنده موفق اولیوردی . بز ملکی اعمار و اصلاح ایله املاک قانونی یاپه جغمزه ۹۳ قانون اساسیسی خیر بالمقله ، بوش ، واهی ، یوان نظریه‌لرله وقت کچیر یوردق . یکیلر پوصله‌ینی شاشیر - مشلر ، بلا انقطاع ، قوانینی تعدیل ایله یرلرنده یرلشمک ایتستورلردی . اسکیلر ایسه ، صدهزاران تأسف ، رشدینی اثبات ایتامش برماکتده ، سلطنت ملیه نظریه‌لرینی احداث ایله ، ملت خدمت دکل ، فرق ممتازیه دالقا و قلقل ایدیور .

لردی . صکره ۳۵ نجی ماده کورولتیلری ایله عینی اختیارلر نه چابوق دوندیلر ! ...

صده کله : ایشته بوبله واهی شیرله مشغول اولدق ، عاقبت دهشتلی برسقوط بزه نه هولناک اوچوروملرده بولندیغمزی کوستردی .

کامل پاشا حکومتک سقوطندن صکره ، اتحاد و ترقی حکومتی ، برخیلی قوانین موقته نشرایتدی . بونوع قوانین حقهده - عمومیتی نقطه نظرندن - مطالعه مزی بوندن صکره کی مقاله مزده بیان ایده جکز . بوجهلدن اولمن اوزره برقاچ قانون املاک خصوصنده کی اصولزی تبدیل ایدیور . کوزمک اوننده بوجه آتی قوانینک رسمی نسخهلری وار :

۱ - اشخاص حکمییه نك اموال غیر منقوله تصرفلرینه مخصوص قانون موقت ؛

۲ - اموال غیر منقوله نك دین مقابلنده تأمینات اراهنه دائر قانون موقت ؛

۳ - اموال غیر منقوله انتقالات قانون موقتی ؛

۴ - اجارات ومقاطعات وقفیه نك تحصیلی قانون موقتی ؛

۵ - کدکرك الغاسی حقهده قانون موقت ؛

۶ - اموال غیر منقوله نك تحدید و تحریری حقهده قانون موقت .

تصرف املاکه دائر اولان قانون موقت دردست طبع اولدیغندن هنوز آله کچمدی . بوقوانین ایله املاکه متدائر اولان اصول وقواعدمن خیلیدن خیلییه دیکشیور . آرتق قرون متوسطدن چیققدق ؛ فقط هنوز « رهنه سانس » دورینه کله مدک . بزه بر آز ده جسات ، بر آز ده زیاده فکر تعقیب لازم ایدی . مادام که مبعوثان اصولی قانونلرک مذاکره سی تعویق ایدیور ، اوحالده ، فرصتدن بالاستفاده میدانه تام بر ( لهزیسلاسیون ) قویلی ایدک . تصرف املاک قانونی نه درجهیه قدر قوانین منقوله مدنییه مزی تبدیل ایدیور ؟ بوراسنی بیلمدیکم ایچون

مطالعائی ایلرییه کتورمیه حکم . اگر بوقانون مجله احکام عدلیه نك تحدیدی ، احترازی قیود وشروطنی تعدیل ایدیورسه ، نه اعلا ، یوقسه ، اصلاحات ناتمام اولمش اولور . اگر حقوق مدنییه نك او کهنه احکامی ایفا ایدمش ایسه اسکی طاس ، اسکی حمامدر . فکر عاجزانه بجه ، شو پسیقولورلیق دقیقهده ، هر نوع قانون یوروتیلور . بو فرصتدن استفاده ایتک لازمدر . بوبله زمان برده آله کچمز . بوجهتلی دفتر خاقانی ناظری استاد محترم محمود اسعد افندی حضر تلرینک نظرگاه امعانلرینه عاجزانه عرض ایدرم . بر آزدها غیرت کوسترسونلر . فقط بیلمم غیرتسزلک کندیلرنده می ، یوقسه مجلس وکلاده می ؟ هر حالده کرک استادی ، کرک هیئت وکلایی - ناقص اولمله برابر - بوقانونلری چیقاردقلرندن طولایی تبریک ایتدکن صکره بر آزده مؤاخذه ایدلم .

مسموعاته نظراً بعض لایحه لر مجلس وکلاده صاپلانوب قالیورمش . هیئت ایچنده بر ایکی ذات بر طاقم لوایحه ایلشمشلر . ظن ایدرم که بودوات محترمه محافظه کارلقلری ایله بوسلسله نظاماتی ناتمام بر اقیورلر . املاک قانونلری بر « کل واحد » تشکیل ایتلیدر . غرب اصوللرینک بر قسمی قبول ، دیکرینی قبولده تردد بی معنادر . ازان جهه بالاشترک تصرف اولنان اراضی میریه وموقوفه ایله مسققات ومستغلات وقفیه نك تقسیمنه دائر اولان قانون لایحه سی هیئت وکلاده شایه اوطور مشدر . دیه بیلیرم که بوقانون بزه پک بیوک بر خدمت ایفا ایده بیلیر . املاک آنحق بوصورنده تصرف اولنور . بین الشرکا منازعات و اختلافات بوبله جه مرتفع اولور . بوقاعده لر ذاتاً دنیانک هر یرنده قبول ایدلمشدر .

الیوم ، بین الشرکا ، اداره سزلکدن ، املاک خراب اولیور ؛ تصرف اولونه میور ، تعمیرلری مشکلکشلیور ؛ الی آخره . حالبوکه بولایحه موجبجه رضایه باقلمقسزین مال مشترک صاتیایر و بدلی تقسیم اولنورسه ایش قولایشدیرلمش اولور .

عجبا بولايحه صرف ملکه نهدن تعلق ايتيور؟ بوجهتي  
آكلایه مدق. مرجع محترمك نظر ابتصاري جلب ايدرز.  
لايحه نك، بيوك بر سهواتي موجب اوله جفتي كوسترمك  
ايچون برقاج فقره سنی نقل ایدلم :

« سکنزنجی ماده — بالاشتراك تصرف اولنان اراضی  
ایله مسقطات و مستغلاتك قابل قسمت اولمديني بيانیه  
حصه لرینك دیگر شریک لر جانبندن آلمی ویا فراغت  
اجراسی شریک لر دن بعضی طرفندن طلب اولوندقده  
دفتر خاقانی مأموری طرفندن اول امرده درنجی ماده  
موجبجه اول محل کشف و تدقیق اولنور . قابل قسمت  
اولمديني آكلاییلور ایسه محلی مجلس اداره سنجه جموعه  
نسبتله اول حصه نك اول وقتده کی بدل مثلی ارباب وقوفه  
تقدیر ایتدیریلور و بدل مقدریله حصه مذکورہی تفرغه  
طالب اولوب اولمادق لر نی اون بش کون طرفنده بیان  
ایتمی دیگر شرکایه ویا ولی و وصیلرینه تبلیغ اولنور طالب  
اولانلرک عهده لرینه متساویاً معامله اجرا ایدیلور  
ایچلرندن بری صایله حق حصه حقنده معامله متساویه  
اجراسنه موافقت ایتیمه رک زیاده بدل ویردیکی اول حصه  
یالکیز شریک لر بیننده بلمزاید هانکی سنك عهده سنده تقرر  
ایدرسه آکا فراغ ایتدیریلور . »

« طقوزنجی ماده — صایلمق ایستیلان حصه دیگر  
شرکا طرفندن مدت معینه طرفنده تفرغ اولونمادیني ومدعی  
اولان شریک صایمق خصوصاً اصرار ایلدیکی ویا بدل  
مثل مقدره راضی اولمادیني تقدیرده اول محلك تمامی تأمینات  
ارائه اولنان اموال غیر منقوله حقنده کی قانون احکامه  
توفیقاً بلمزاید طالبنه احاله و بدلی شریک لر بیننده حصه لرینه  
کوره تقسیم اولنور بویوله صایلان محالر عندالایجاب  
دفتر خاقانی مأمورلری جانبندن تنظیم اولونه حق مذکور  
اوزرینه بالتخلیه مفروغ ایلره تسلیم ایدیلور . »

« اونجی ماده — اول محلك هیئت جموعه سنه طالب  
ظهور ایتدیکی ویا بدل حد لایقنی بولمادیني تقدیرده یالکیز  
شرکا بیننده مزاید ایدیلور . بودخی ممکن اولمديني صورتده

حصه سنی فراغ ایتك ایستیلان کیمسه خارجدن طالب بولور  
ایسه آنك نامنه فراغ ایدیلور و بو صورتده بدل مثل  
ایله تفرغه طالب اولیلان شرکانك حق رجحانی ساقط  
اولور بو وجهله معامله اجراسی ده ممکن اوله مدینی حاله  
مناسب بر مدت مرورندن (؟) صکره مزایدنك تجدیدی  
جائرر . »

« اون برنجی ماده — مواد سابقه موجبجه رضاء  
تقسیم ویا بلمزاید حاله معاملاتك اکلندن صکره فسخ  
والغاسی حقنده شرکا ویا ولی و وصیلری طرفندن اقامه  
ایدیله جك دعوالر کرک محاکم شرعیه و کرک نظامیه ده  
استماع اولونماز . الخ . »

شو برقاج ماده اثبات ایدرکه بوقانون کوزل ، عملی ،  
فائده لی و غیر مضر در . احوالده ، عجبا ، هیئت وکلانك  
ایچنده کی اقلیت نه دن بونی بر ساعت اول عرض ایله اراده سنی  
استحصال ایتيور ؟

بونك صکی دیگر برقاج قانون حالا مجلس وکلاده  
ایمش . اکر هیئت حاضر دارکانی وظیفه انقلابکاریلر نه ثبات  
ایتمك ایستیور لرسه بر آزدها زیاده فعالیت کوسترسونلر . بر  
سلسله نظامانك براییکسنی چیقارماق بر خانه نك بتون  
قاتلر نی یاپدقن صکره چایسنی یا مامغه بکیزر . ایشته شیمه  
تعقیب نقصانی — که بزم الك اساسلی نواقص مزدن ریدر —  
بوراده ده کوریلور . اشخاص حکمیه نك املاک تصرفنه  
عائد اولان قانونی ، بز ، عاجزانه ، بر آق نقصان بولوروز .  
بو قانون شهر داخلنده تصرف املاکه مساع ویریور ،  
خارجنده دکل . بو ، فن اقتصاد و فن مالیده چوقدن حل  
اولونمش بر مسئله در . حتی اوقدر عادی بر مسئله در که بونك  
اوزرینه ، بوراده اصراری ، قارئلر مزه قارشى بر آق  
صایغیسزاق تلقی ایدرز .

براملاک قانونی تام اولمی ، بر مدت صکره تعدیل کور-  
مکدن مهما ممکن وارسته بولونمیدر . اکر صاغ قالیرایسه ک،  
یارین ، اوبرکون ، بوا حکامه بر آق دها زیاده وسعت ویرمک  
مجبوریتنی حس ایده جکیز .

چاره سی وارد ر . فقط بونظریه ویا اندیشه ایشاری کری  
براقلمیدر . کویلمز ، چققلکر مزجداً اعتباره محتاجدر .  
قره دیسز بوایشلر دونمز ، ملک اداره ایدلز ، ملت آج  
قالیر . اگر حکومت حقیقه بواندیشه ده ایسه املاک بانقه سی  
وظیفه سی کندسی یا بسون . یاخود برچاره قانونی بولورسه ،  
اسپانیاده اولدینی کی ، قره دی فونسیه ایشنی انحصار آلتنه آلسون .

فکر محه زراعت بانقه سی جدا مستعد صلاحدر . بر  
آز فداکارلق ایله بو مؤسسه مالیه کوزل برحاله افراغ  
اولونه ییلیر . بوانقه اقراض ایتدینی پاردنک مقدارینی  
تحدید ایتسه ، قراده ده ، شهر داخلنده ده ایش کورسه  
ومعاملاتنده اک منتظم بانقه لک اصولرینی اختیار ایتسه  
ایسته دیکی قدرپاره بولور . بانقه نك غایه املی پاره قزانمقدن  
زیاده زراعه تأمین منفعت اولدیغندن ظن ایدرم که ملتجه  
بوندن عظیم استفادهلر ایدرز .

قوانینک اصلاحی ایله برابر بوپروژده اولیای امور  
طرفندن تأمل ایدیلیرسه فنا اولماز ظن ایدرم .

استطراداً شوراسنی ده سوبلیه لم که مملکت مزده هرشی  
ید اجانبه کیور ؛ اگر زراعت بانقه سی کی حقیقه ملی بر  
مؤسسه منی ایلر بلتیر ایسه ک بوندن بشقه فائده لده حاصل  
اولور . برحق اولاد وطن منتظم ایشه آلیشیر . ایشدن  
لذت آلیر . اوروائی سعی وعمل ندر ؛ بونلر آکلایشیلیر .  
بوانمیه نك ساحه حصوله حقیقه سی ایچون پك او قدر

چالشمیه احتیاج یوقدر . قارشیمزده عظیم مخالفرده موانع  
ومشکلات ایقاع ایتیه جکلردر . بلغارستان حکومتی ، اوان  
تشکلنده ، ( هیچ شبهه سز استقراض پاره سیله ) . بر ملی  
بانقه وجوده کتیر مشدی . بومؤسسه بوکون پك منتظم بر  
حال آلمشدر . جدآده هم اهالی بی اقتصاداً یتشدیرمش ،  
همده حکومت عظیم فائده سی طوقونمشدر . بز ، قرق سنه  
اول اوشاقلر من اولان قابا بلغارلر قدرده می بجرکسز ؛ نه  
طوریورز ؛ آله مهم ، ملی ، حتی تاریخی برمؤسسه وار .  
آنی جزئی اصلاح ایدرسه ک ، درت بش سنه ده ، برقوه  
مالیه ایدنمش اولورز .

کندک بوشر کتیرک اسهامی نامه محررو حاملری عثمانلی  
اوللی ایش . بوامر قانونیدن پك قولایقله قاجیلور . اجانب ،  
برعثمانلی آنونیم ( صرافلق ) شرکتی عقد ایدرلر . صکره  
بو شرکت املاک بانقه سنک نامه محرر بتون اسهامی صاتون  
آلیر . بوقیود احترازیه بوشدر ، واهیدر ، ثمره سزدر .  
حتی ... کولنجدر .

نته کیم سفائن ایچونده بوقید احترازی تجارت بحریه  
قانوننامه هایوننده مندر جدر . عیجابونک فائده سی اولشمیدر ؛  
کچن سنه یه قدر برکورجی واپور شرکتی واردی . بوشر کته  
منسوب سفائن عثمانلی بایراغنی کشیده ایدرلردی . بتون  
واپورلر تبعه عثمانیه دن ( شمدی افلاس ایدن ) مدالی بانقه -  
سنه عاید بولنیوردی . حالبوکه بوانقه نك بر مهم قسم حصه  
سنداتنک متصرفی یونان تبعه سندن و غلطه صرافلرندن  
معروف برذاتدر . دها بونک کی برحق مثاللر ارانه ایده .  
بیلیرز . بوقیود قانونیه مواضعیه پك مساعددر . مواضعه -  
دزده هردرلو تذویر حقیقه بیلیر . دولت ایسه ، هرایشه ،  
مواضعیه میدان ویرمیه جک تداییرده بولونمیدر .

مادامکه افراد اجنبیه علی العاده پروتوقول اقتضاسنجه -  
اموال غیر منقولیه تصرف ایده ییلیورلر ، نندن آنلرک  
هیئت مجموعه سندن متشکل اولان اشخاص حکمیه ، ویا ،  
ایشی دها زیاده قصر ایدلم ، تابعیت عثمانیه بی حائز اولوبده  
حصه دارلری ایچنده عثمانلی اولمیان اشخاص حکمیه املاک  
تصرف ایده مسونلر ؟

کچن کون اولن آمریقالی پیهرپون مورغن هر حالده  
قره دی لیونه بانقه سندن دها زنکیندی . بزم قانونمز موجبنه  
بوآدم بورایه کاسه بتون ملک صاتون آله بیلیر ویا ارتهان  
ایدر . حالبوکه ، مثلاً ، برملیون فرائق سرمایه لی برعثمانلی  
شرکتی ، حصه دارلری آرهنده بریابانجی بولنورسه ، بو  
معامله لده بولونه ماز . اگر ، بودوره استحاله ده ، دولتمز  
اجانبک حلول ونفودندن قورقور ویا بونلرک قریه لر خلقتنک  
صفوت درونندن استفاده ایله مملکت مزده او یغولسز احواله ،  
بحرانلره میدان ویره جکنه ذاهب اولیورسه بونلک بشقه

هله چوق شکر قانون موقت ایله کدکارالغا اولنیور .  
 بو غریب و عجیب اصول قرون وسطایه فرط مجلویتمز  
 نتیجه سی هر فصلسه محافظه اولنیوردی . کدک ، جدا ،  
 تصرفی اشکال ایتکده ایدی . اسکی عصرلره مخصوص بر  
 اصول ، هیچ شبهه سز ، بوزمانده تطبیق اولونه مازدی .  
 فقط ، برچوق خصوصاً ده اولدینی کی ، اعصار قدیمه نك  
 کولکسی بزی تعذیب ایدیور . بوسوپرونتیلرک مرتفع  
 اولسی تجدد پرورانی کرچکدن ممنون ایدر .

انتقالات ده ، قانون موقت سایه سنده ، توسیع ایدلمشدر .  
 هر حالده بویکی اصول عدالته ؛ حقه ، احتیاجات حاضریه  
 ده موافقدر .

صرف مدکارا یچونده - بعض خفیف موانعه رغما -  
 بوا حکام موقته دستورالعمل اولسه ایدی ممنونیتمز دوبالا  
 اولردی . بونکله برابر حد انتقالک توسیعی تکاملده بر  
 قدمه اولق اوزره تلقی ایدرز .

توسیع انتقال خرجنک آلتش سنه ده مقسطاً آلمسی  
 حقنده وضع اولنان اصول عالیجنابانه ، احرارانه در . بوندن  
 هم متصرفلر ، هم ده وقف استفاده ایده جکدر . کوریلپورکه  
 حق تصرف بو موقت قانونلر ایله ، بزده ، بر آز ده  
 توضیح ایدیور .

ادوار قدیمه ده ، تصرف ، تعیرمن معذور کورولسون ،  
 دومانلر ایله مستور ایدی . فرد ، هنوز عائله ، قلان ، جه نس  
 و بونک کی کومدلردن چیقه مامش ، اجتماعیات اعتباریله  
 تملک ، تصرف مدلوللری پک اوقدر آکلاشیله مامشیدی .  
 کیت کیده بر تکامل حاصل اولدی . فرد قلاندن بدرجه یه  
 قدر آیرلیدی . حوائج اقتصادی و سوائق مالیه اصول ملکیتی  
 تقدیر و تنسیب ایتدی . بو اصول حال حاضر اجتماعی  
 و اقتصادینک مولیدر . آنجق بوسایه ده اوروپانک ترونی  
 میدانه کلشدر . بویله اولسه ایدی ایوم بومرتبه تقدیر  
 ایتدبکمز مبنای عظیم مدنیت وجود بولمازدی . بلکه بوندن  
 صکره ملکیت اصولی ده زائل اوله جقدر . احتمالدرکه  
 سرمایه نك ده موداسی کچه جک ، آلات وسیعی و عمل ، مال

مقوم اولمقدن چیقوب ده منطق بر اصول اجتماعی میدان  
 آله جقدر . فقط اوروپا بیله - که بزدن بش عصر ایلریده در -  
 هنوز بوحاله کلامشدر . سوسیالیزم آنجق استقبالده قوت  
 و قدرتی آینه آله جقدر .

بز مع التأسف هنوز اوروپانک «ملکیت» دورنده بیله  
 دکلز . انتشار ایدن بو برایکی موقت قانون و وضعه چالیشیلان  
 قداسترو اصوللری ایله بز آنجق ملکیت عصرینه کله جکن .  
 ایشته بوا اعتبار ایله قوانین مذکورده نی پک ناقص اولما  
 برابر تکامله طوغری آلتش حقیقی برخطوه تلقی و بونا  
 چالیشانلری تبریک ایدرم بآن شرط که یابدقلری ایشی  
 یاریده بر اقسونلر و قانون لایحه لری مجلس وکلادن خزینة  
 اوراقه کیتمسون !

یکی کوی ۳ مایس ۱۳۲۹

مهمل نوری

علاوه - بحث ایتدیکمز قانونلری ده اوزون مناقشه  
 ایتک وظیفه من ایدی . فقط بونلرک موقت قانون ماهیتده  
 بولونملری بزی بدرجه یه قدر بوندن وارسته ایدر . قوانین  
 قطعیت کسب ایتدکدن صکره بورجه یی اوده درز . هر حالده  
 کله جک مجالس تشریعیه جه بوقوانین کری آلیناماز . کیدن  
 کلز .

### مظلوم ظالم لره

قلمی کاغد اوزه درینه قویدیم شو آنده دوداقلرمده  
 بیر اشتعالک باشلادیغنی حس ایدیورم .  
 بو اشتعالک آلورلی ایچنده :

زغیرت سوختم وز شرم دودی برنیاوردم  
 الهی آتشی برخانه ناموس وننک افتد! [۱]

کله لری اوقوناجقدر .

دیمک که ایکی سائق جبارک آره سندیم بیری بانا :

[۱] معنای: غیرت دن یاندم ، فقط اوتاندیغمدن دومانی  
 دیشاری یه چیقارما م . اللهم ! حیثیت و وقار نه وینه آتشی  
 دوشدی !